

জুনিয়র স্কুল সার্টিফিকেট পরীক্ষা, (সকল বোর্ড) ২০১৬

হিন্দুধর্ম ও নৈতিক শিক্ষা

বিষয় কোড :

1	1	2
---	---	---

সৃজনশীল প্রশ্ন

মান- ৬০

সময়-২ ঘণ্টা ২০ মিনিট

[দ্রষ্টব্য : ডান পাশের সংখ্যা প্রশ্নের পূর্ণমান জ্ঞাপক। নিচে উল্লিখিত উদ্দীপকগুলো মনোযোগসহ পড়ে সংশ্লিষ্ট প্রশ্নগুলোর উত্তর দাও। যেকোনো ছয়টি প্রশ্নের উত্তর দিতে হবে।]

১। সুদীপ্তা ও পুষ্পিতা দুই বান্ধবী। কোথাও কোনো ধর্মীয় অনুষ্ঠান হলে তারা সেখানেই ছুটে যায়। একদিন তারা এক ধর্মীয় অনুষ্ঠানে যাওয়ার সময় সুদীপ্তা বলল, আমাদের উচিত পৃথিবীর সকল জীবকে সমতার দৃষ্টিতে দেখা। কেননা সকল জীব একই ঈশ্বরের সৃষ্টি। তখন পুষ্পিতা বলল, যাই করি না কেন, আমরা যেহেতু ছাত্র সেহেতু, আমাদের প্রথম ও প্রধান কর্তব্য হচ্ছে অধ্যয়ন করা। কেননা স্ব-স্ব কর্তব্য কর্ম সম্পাদন করাই ধর্ম। এক পর্যায়ে তারা অনুষ্ঠানে পৌঁছে গেল এবং ধর্ম কথা শ্রবণ করতে লাগল।

ক. সমগ্র বেদকে কয় ভাগে ভাগ করা হয়েছে? ১

খ. বেদাঙ্গের জ্ঞান থাকা প্রয়োজন কেন? ২

গ. সুদীপ্তার মধ্যে শ্রীমদ্ভগবদ্গীতার কোন দিকটি ফুটে উঠেছে?— ব্যাখ্যা কর। ৩

ঘ. পুষ্পিতার উপলব্ধি পাঠ্যের আলোকে বিশ্লেষণ কর। ৪

২। ঐশির চুল পড়ে যাচ্ছে। সে রাতে সহজে ঘুমাতে পারে না। সে খুব চঞ্চল প্রকৃতির। এসব সমস্যা সমাধানের জন্য সে শিক্ষকের পরামর্শে প্রতিদিন খাবার পর হাঁটু ভেঙে পা দুটো নিতম্বের সাথে মিশিয়ে একটি আসন অনুশীলন করে। এছাড়া এ আসনের অন্যান্য নিয়মকানুনও সে মেনে চলে। বর্তমানে সে তার সমস্যা থেকে অনেকাংশেই মুক্ত।

ক. কোনো কর্মেই মন বসে না কাদের? ১

খ. প্রতিদিন গুরুজনদের নমস্কার করা উচিত কেন? ২

গ. ঐশির অনুশীলনকৃত আসনটির অনুশীলন পদ্ধতি বর্ণনা কর। ৩

ঘ. পাঠের আলোকে ঐশির অনুশীলনকৃত আসনটির প্রভাব বিশ্লেষণ কর। ৪

৩। প্রফুল্ল বাবু ১৯৭১ সালে সরকারের পররাষ্ট্র মন্ত্রণালয়ে চাকরি করতেন। মুক্তিযুদ্ধের সময় তিনি চাকরি ছেড়ে দিয়ে মুক্তি বাহিনীতে যোগ দেন। যদিও পার্শ্ববর্তী রাষ্ট্রে তার পালিয়ে যাওয়ার সুযোগ ছিল কিন্তু তিনি তা না করে অন্যদের সাথে কাঁধে কাঁধ মিলিয়ে যুদ্ধ করে দেশকে স্বাধীন করেন। যুদ্ধে গুলি লেগে তাঁর একটা পা পঞ্জু হয়ে গেলেও, তার মনে এতটুকু দুঃখ নেই। বরং তিনি গর্ব করে বলেন, “আমি স্বাধীন দেশের নাগরিক।”

- ক. দেশের মর্যাদা রক্ষার নিমিত্তে যুদ্ধ করে শহিদ হলে কোন স্বর্গ লাভ হয়? ১
- খ. মহামুনি পুলস্ত্যের কীর্তবীর্যার্জুনের রাজসভায় আসার কারণ ব্যাখ্যা কর। ২
- গ. “প্রফুল্ল বাবুর মধ্যে কীর্তবীর্যার্জুন চরিত্রের কোন গুণটি প্রকাশ পেয়েছে? ব্যাখ্যা কর। ৩
- ঘ. “প্রফুল্ল বাবুকে একজন যথার্থ মানুষ বলা যায়”।— পাঠ্যের আলোকে বিশ্লেষণ কর। ৪

৪। প্রণব বাবু শ্রেণিকক্ষে পড়ানোর সময় শিক্ষার্থীদের উদ্দেশ্যে বলেন, এ পৃথিবীর সকল গাছপালা, পাহাড়-পর্বত, নদীনালা সবকিছু নিয়মতান্ত্রিকভাবে অবস্থান করছে। এসব কিছুর মূলে রয়েছেন ঈশ্বর। তিনি শিক্ষার্থীদের আরও বলেন, আমি সকল জীবকে সমান দৃষ্টিতে দেখি এবং কারও প্রতি কোনো হিংসা করি না।

- ক. জ্ঞান কয় প্রকার? ১
- খ. ঈশ্বরকে ভগবান বলার কারণ ব্যাখ্যা কর। ২
- গ. উদ্দীপকে ঈশ্বরের কোন ভূমিকার কথা তুলে ধরা হয়েছে? ব্যাখ্যা কর। ৩
- ঘ. প্রণব বাবুকে কি ঈশ্বর ভক্ত বলা যায়? উত্তরের সপক্ষে যুক্তি প্রদর্শন কর। ৪

৫। গিরিশ বাবু একজন দরিদ্র কৃষক ছিলেন। তিনি নিজের জমিতে কাজ করতে মাঝে মাঝে তিনি অন্যের বাড়িতে শ্রমিক হিসেবে কাজ করতেন। আর্থিক কষ্টে জীবনযাপন করলেও তিনি ছেলেকে উচ্চ শিক্ষায় শিক্ষিত করেছেন। তাঁর ছেলে বর্তমানে বিশ্ববিদ্যালয়ের শিক্ষক। শিক্ষকতার পাশাপাশি তিনি ধর্মীয় কাজেও নিজেকে নিয়োজিত রাখেন।

- ক. হিন্দুধর্মের মতে যুগ কয়টি? ১
- খ. চতুরাশ্রম বলতে কী বোঝায়? ২
- গ. শাস্ত্র মতে গিরিশ বাবু কোন বর্ণের লোক? ব্যাখ্যা কর। ৩
- ঘ. গিরিশ বাবু ও তাঁর ছেলে কি একই বর্ণের লোক? পাঠ্যের আলোকে যুক্তি প্রদর্শন কর। ৪

৬। অসীমা দেবী প্রতিবছর একটি নির্দিষ্ট দিনে ঈশ্বরের এক বিশেষ শক্তির পূজা করেন। এ পূজায় নীল বা বেগুনি রঙের ফুল অবশ্যই তাকে যোগাড় করতে হয়। সূর্যাস্তের পর তিনি এ পূজা করেন। পূজা শেষে আগত সবাইকে দুধ গুড়, কলা ও ময়দার তৈরি প্রসাদ বিতরণ করেন। বর্তমানে, অসীমা দেবীর পরিবারে আগের মতো রোগব্যাদি নেই, বড় ধরনের কোনো বিপদেও তিনি পড়েন না। তাই তিনি মানসিকভাবে খুব সুখেই আছেন।

- ক. পালনের দেবতা কে? ১
- খ. মনসা পূজার মুখ্য উদ্দেশ্য বুঝিয়ে লেখ। ২

- গ. অসীমা দেবী ঈশ্বরের কোন শক্তির পূজা করেন? বর্ণনা কর। ৩
- ঘ. উদ্দীপকে বর্ণিত পূজার প্রভাব বিশ্লেষণ কর। ৪
- ৭। মৌমিতা দেবী নিয়মিত ধর্মচর্চা করেন। তিনি দেশের বিভিন্ন অঞ্চলের জরাজীর্ণ মন্দির ও ধর্মীয় প্রতিষ্ঠানগুলোকে জাগিয়ে তোলেন। মানুষকে ধর্মের পথে অগ্রসর হতে অনুপ্রাণিত করেন। তাঁর আদর্শে অনুপ্রাণিত হয়ে অনেকেই ধর্মীয় কাজকর্ম করতে শুরু করেছেন।
- ক. মা আনন্দময়ী কোন গ্রামে জন্মগ্রহণ করেন? ১
- খ. নির্মলা কীভাবে আনন্দময়ী হলেন? ব্যাখ্যা কর। ২
- গ. মৌমিতা দেবীর মধ্যে মা আনন্দময়ীর কোন দিকটি ফুটে উঠেছে? ব্যাখ্যা কর। ৩
- ঘ. 'বর্তমান সমাজব্যবস্থায় মা আনন্দময়ীর মতো মহিয়সী নারী খুবই প্রয়োজন।'— উদ্দীপকের আলোকে মূল্যায়ন কর। ৪
- ৮। হরিপুর গ্রামের শিক্ষিত যুবকেরা একটি সংগঠন চালু করে। সংগঠনের উদ্যোক্তা মৃণাল ধনী-গরিব সবাইকে একই পতাকা তলে নিয়ে আসে। সবাইকে নিয়ে ধর্ম কর্মের পাশাপাশি অন্যান্য কাজও করে। সে সকল ধর্মের মানুষকে ভাই ভাই মনে করে। তবে মৃণালের বাবা সারাদিনই গাছপালা গৃহপালিত পশুপাখির সেবায় নিজেকে ব্যস্ত রাখেন।
- ক. নরেন্দ্রনাথ কার নিকট ত্যাগের মন্ত্রে দীক্ষিত হন? ১
- খ. "মৃণালের পেটে ধর্ম হয় না"— বুঝিলে লেখ। ২
- গ. মৃণালের মধ্যে স্বামী বিবেকানন্দের কোন গুণটি ফুটে উঠেছে? ব্যাখ্যা কর। ৩
- ঘ. মৃণালের বাবার কাজটি স্বামী বিবেকানন্দের জীব সেবার মহান বাণীর আলোকে বিশ্লেষণ কর। ৪
- ৯। 'ক' নামক ব্যক্তি দীর্ঘদিন বিদেশ থাকার পর গত মাসে অসুস্থ অবস্থায় বাড়িতে এসেছেন। শারীরিক অবস্থার কথা বিবেচনা করে তার স্ত্রী তাকে ডাক্তারের কাছে নিয়ে যায়। পরীক্ষা-নিরীক্ষার পর ডাক্তার জানায় এ রোগের এখন পর্যন্ত কোনো ঔষধ নেই। বাড়িতে নিয়ে আসার পর তার স্ত্রী তার কাছে সহজে আসে না। ছেলেমেয়েদেরকে তার কাছে যেতে দেয় না। বর্তমানে সে মানসিকভাবে খুবই বিপর্যস্ত অবস্থায় আছে।
- ক. অহিংসা কোন যোগের অন্তর্গত? ১
- খ. সংযম বলতে কী বোঝায়? ২
- গ. 'ক' নামক ব্যক্তি কোন রোগে আক্রান্ত? ব্যাখ্যা কর। ৩
- ঘ. 'ক' নামক ব্যক্তির স্ত্রীর আচরণের যৌক্তিকতা পাঠ্যের আলোকে মূল্যায়ন কর। ৪

[বিশেষ দ্রষ্টব্য : সরবরাহকৃত বহুনির্বাচনি অভীক্ষার উত্তরপত্রের প্রশ্নের ক্রমিক নম্বরের বিপরীতে সঠিক উত্তরের বর্ণটিতে টিক(✓) চিহ্ন দাও। প্রতিটি প্রশ্নের মান ১। সকল প্রশ্নের উত্তর দিতে হবে।]

১. ধর্মের বিশেষ লক্ষণ কয়টি?
 (ক) চার (খ) ছয়
 (গ) আট (ঘ) দশ
২. 'বেদ' শব্দের অর্থ কী?
 (ক) যশ (খ) গ্রী
 (গ) জ্ঞান (ঘ) প্রতিপত্তি
৩. আশ্রমধর্ম কয় প্রকার?
 (ক) এক (খ) দুই (গ) তিন (ঘ) চার
৪. নীপা ফাল্গুন মাসের কৃষ্ণা চতুর্দশী তিথিতে পূজা দেওয়ার জন্য সংযম অবলম্বন করে বাক্য, কর্ম ও চিন্তায় দেহ-মনকে পবিত্র রাখেন। নীপা কোন বিশেষ দেবতার পূজা করবেন?
 (ক) শিব (খ) গণেশ
 (গ) কার্তিক (ঘ) শনি
৫. সত্যযুগের প্রধান ধর্ম কী?
 (ক) যজ্ঞ (খ) পূজা (গ) তপস্যা (ঘ) কীর্তন
৬. ভূজঙ্গাসন অনুশীলনের ফলে—
 (ক) আসমান কাধ সমান হয়
 (খ) হৃৎপিণ্ড ও ফুসফুস সবল হয়
 (গ) হাঁটুর বাত নিরাময় হয়
 (ঘ) সায়টিকা সারে
৭. নমস্কার কিসের প্রতীক?
 (ক) বিনম্রতার (খ) দয়ার
 (গ) সহিষ্ণুতার (ঘ) সৌজন্যতার
৮. "সময়ের এক ফোঁড়, অসময়ের দশ ফোঁড়"—
 কথাটি প্রযোজ্য—
 i. প্রাতঃকর্মে
 ii. নিত্যকর্মে
 iii. মৃত্যুকালে
 নিচের কোনটি সঠিক?
 (ক) i ও ii (খ) i ও iii
 (গ) ii ও iii (ঘ) i, ii ও iii
৯. তিথির অনুশীলনকৃত আসনটি হলো—
 (ক) গোমুখাসন (খ) ভূজঙ্গাসন
 (গ) বজ্রাসন (ঘ) শবাসন
১০. উক্ত আসনটি অনুশীলনের ফলে—
 i. কোষ্ঠাবস্খতা দূর হবে
 ii. চুল পড়বে না
 iii. কাধের সন্ধিস্থলের ব্যথা দূর হবে
 নিচের কোনটি সঠিক?
 (ক) i (খ) i ও ii (গ) i ও iii (ঘ) ii ও iii
১১. জ্ঞানীর দৃষ্টিতে ঈশ্বরের স্বরূপ কী?
 (ক) পরমাত্মা (খ) ব্রহ্ম
 (গ) ভগবান (ঘ) জীবাত্মা
১২. যজুর্বেদের কয়টি অংশ?
 (ক) দুটি (খ) তিনটি
 (গ) চারটি (ঘ) ছয়টি
১৩. কে নিজের কাজকে ভগবানের কাজ মনে করে সম্পাদন?
 (ক) যোগী (খ) জ্ঞানী
 (গ) ধার্মিক (ঘ) ভক্ত
১৪. 'ও' শব্দটি দ্বারা বোঝায়—
 (ক) ধার্মিকতা (খ) দয়া
 (গ) সত্য (ঘ) সহনশীলতা
১৫. প্রধান উপনিষদ কতখানা?
 (ক) ১২ (খ) ১৩
 (গ) ১৪ (ঘ) ১৬
১৬. বেদের যে অংশে মন্ত্রের ব্যাখ্যা করা হয়, তা হলো—
 (ক) আরণ্যক (খ) উপনিষদ
 (গ) সংহিতা (ঘ) ব্রাহ্মণ
১৭. দেবতাদের কয়টি শ্রেণিতে ভাগ করা হয়েছে?
 (ক) দুটি (খ) তিনটি
 (গ) চারটি (ঘ) পাঁচটি
১৮. মনুষ্যত্ব বা ধর্মের সাধারণ লক্ষণ হিসেবে চিহ্নিত করা হয়েছে—
 i. হিংসা না করা
 ii. চুরি না করা
 iii. পবিত্র থাকা
 নিচের কোনটি সঠিক?
 (ক) i ও ii (খ) i ও iii (গ) ii ও iii (ঘ) i, ii ও iii

■ নিচের অনুচ্ছেদটির আলোকে ১৯ ও ২০নং প্রশ্নের উত্তর দাও :

নির্মল বাবু একজন ধার্মিক লোক। উপযুক্ত বয়সে তিনি তাঁর ছেলেমেয়েদের বিয়ে দিয়েছেন। এখন তাঁর ইচ্ছা সংসারে সবকিছু স্ত্রী, পুত্রদের বুঝিয়ে দিয়ে সমস্ত কর্তব্য সম্পাদন করে সন্ন্যাসে যাবেন।

১৯. নির্মল বাবু কত বছর বয়সে পদার্পণ করেছেন?

- ক) পঁচিশ খ) পঞ্চাশ
গ) পঁচাত্তর ঘ) একশত

২০. নির্মল বাবু সন্ন্যাস ধর্ম গ্রহণ করার পর—

- i. সব সময় ঈশ্বরের নাম জপ করবেন
ii. বড় বড় অনুষ্ঠানে অংশগ্রহণ করবেন
iii. নিজেকে ধর্মচর্চায় নিয়োজিত করবেন
নিচের কোনটি সঠিক?

- ক) i ও ii খ) i ও iii
গ) ii ও iii ঘ) i, ii ও iii

২১. মনসাদেবীর হাত কয়টি?

- ক) দুই খ) চার
গ) ছয় ঘ) দশ

২২. নারায়ণদেবের বাহন কী?

- ক) কাক খ) গরুড়
গ) সিংহ ঘ) হাঁস

২৩. শনিপুজায় ভোগ হিসেবে কয় প্রকারের ঋতুভিত্তিক ফল নিবেদন করা হয়?

- ক) পাঁচ খ) ছয় গ) সাত ঘ) আট

২৪. পুরাণমতে মনসাদেবী ছিলেন—

- ক) আস্তিক মুনীর পত্নী খ) ভরত মুনীর পত্নী
গ) পতঞ্জলির বোন ঘ) কশ্যপ মুনীর মেয়ে

২৫. কার্তবীর্য়ার্জুন কোন বংশীয় রাজা ছিলেন?

- ক) সূর্য খ) কুরু
গ) চন্দ্র ঘ) যদু

২৬. 'দেশপ্রেম'— নামক নৈতিক গুণটি কিসের মাধ্যমে অর্জন করতে হয়?

- ক) ভোগ ও তিতিক্ষা খ) ত্যাগ ও তিতিক্ষা
গ) ত্যাগ ও ক্ষমা ঘ) দয়া ও ক্ষমা

২৭. ধৃতরাষ্ট্রের পুত্রদের কী বলা হয়?

- ক) পাণ্ডব খ) যাদব
গ) নিষাদ ঘ) কৌরব

২৮. সুমন অবসর সময়ে বেদ পাঠ করেন। এজন্য তাঁর প্রয়োজন—

- ক) বেদাঙ্গ খ) আরণ্যক
গ) উপনিষদ ঘ) ব্রাহ্মণ

২৯. অধ্যবসায় নামক নৈতিক গুণটি গড়ে ওঠে—

- i. পরিশ্রমের গুণে
ii. সাহসিকতার গুণে
iii. সহিষ্ণুতার গুণে
নিচের কোনটি সঠিক?

- ক) i ও ii খ) i ও iii
গ) i ও iii ঘ) ii ও iii

৩০. কংস কোথাকার রাজা ছিলেন?

- ক) মিথিলার খ) মথুরার
গ) মগধের ঘ) দ্বারকার

৩১. যশোমন্ত ঠাকুরের কয় পুত্র ছিল?

- ক) এক খ) দুই
গ) তিন ঘ) চার

৩২. বৃন্দদেবের পূজার জন্য জরাসন্ধ কতজন নরবলি দেওয়ার মনস্ব করছিলেন?

- ক) একশত খ) দুইশত
গ) তিনশত ঘ) চারশত

৩৩. বিবেকানন্দের মাতার নাম কি?

- ক) অন্নপূর্ণা দেবী খ) ভুবনেশ্বরী দেবী
গ) মানিক সুন্দরী ঘ) মনোমোহিনী দেবী

৩৪. সামবেদ সংহিতায় কতটি মন্ত্র ঋগ্বেদ থেকে নেওয়া হয়েছে?

- ক) ১৭২০ খ) ১৭৩০ গ) ১৭৩৫ ঘ) ১৭৪০

৩৫. মা আনন্দময়ী কত খ্রিষ্টাব্দে পরলোক গমন করেন—

- ক) ১৯৮২ খ) ১৯৮৩
গ) ১৯৮৪ ঘ) ১৯৮৫

৩৬. সুবর্ণা ভগবৎপ্রেমী ছিলেন। তিনি মানুষকে ভগবৎমুখী করার জন্য অশেষ প্রেরণা দিয়েছেন। সুবর্ণার মধ্যে কার আদর্শ প্রতিফলিত হয়েছে?

- ক) সারদা দেবী খ) রাণী রাসমনি
গ) মা আনন্দময়ী ঘ) মনোমোহিনী দেবী

৩৭. শ্রীলভুপাদ কত খ্রিষ্টাব্দে জন্মগ্রহণ করে?

- ক) ১৮৯৫ খ) ১৮৯৬
গ) ১৮৯৭ ঘ) ১৮৯৮

৩৮. প্রহ্লাদের পুত্রের নাম কী?

- ক) সুধম্মা খ) শ্রীধর
গ) সত্যকাম ঘ) বিরোচন

■ নিচের অনুচ্ছেদটির আলোকে ৩৯ ও ৪০নং প্রশ্নের উত্তর দাও :

মিলন বাবু সকালে ঘুম থেকে ওঠে হাঁটাহাঁটি করতে গিয়ে দেখেন কয়েকজন দুষ্ট ছেলে মিলে একটি বিড়াল ছানাকে নদীতে ফেলে দিচ্ছে। মিলন বাবু তখন ছেলেগুলোকে তাড়িয়ে দিয়ে বিড়াল ছানাটিকে উদ্ধার করেন।

৩৯. মিলন বাবুর উক্ত কাজটি হলো—

- ক) পরমতসহিষ্ণুতা খ) ন্যায়বিচার
গ) সংযম ঘ) শিষ্টাচার

৪০. মিলন বাবুর কাজের মাধ্যমে প্রকাশ পায়—

- i. জীব সেবা
ii. ঈশ্বর সেবা
iii. দেবতার সেবা
নিচের কোনটি সঠিক?

- ক) i ও ii খ) i ও iii
গ) ii ও iii ঘ) i, ii ও iii

উত্তরমালা

১	ক	২	গ	৩	ঘ	৪	ক	৫	গ	৬	খ	৭	ক	৮	ক	৯	ক	১০	গ	১১	খ	১২	ক	১৩	ঘ	১৪	গ	১৫	ক	১৬	ঘ	১৭	খ	১৮	ঘ	১৯	গ	২০	খ
২১	খ	২২	খ	২৩	ক	২৪	ঘ	২৫	গ	২৬	খ	২৭	ঘ	২৮	ক	২৯	গ	৩০	খ	৩১	ঘ	৩২	ক	৩৩	খ	৩৪	গ	৩৫	ক	৩৬	গ	৩৭	খ	৩৮	ঘ	৩৯	খ	৪০	ক